

# Minnisblað

Dagsetning: 9. febrúar 2022

Höfundur: Þórólfur Guðnason sóttvarnalæknir,

Viðtakandi: Willum Þór Þórsson heilbrigðisráðherra

Málsnúmer/skjalalykill: 21011462

## Efni: Minnisblað sóttvarnalæknis um afléttingu opinberra sóttvarnaaðgerða vegna COVID-19.

Undanfarna daga og vikur hefur staðið yfir afléttingaferli á takmörkunum vegna Covid-19 þrátt fyrir útbreidd smit í samfélaginu. Þann 29. janúar sl. var ráðist í afléttingar á samfélagslegum takmörkunum (reglug. nr. 90/2022), afléttingar á skólastarfi (reglug. nr. 91/2022) og breytingar á sóttkví (reglug. nr. 92/2022). Aðrar afléttingar síðustu daga hafa verið:

- Breyting á reglug. nr. 90/2022 (reglug. nr. 141/2022) um takmörkun á samkomum vegna Covid-19 þar sem að eins metra nálægðarmörk á sitjandi viðburðum voru felld úr gildi. Þessi reglugerðarbreyting tók gildi 2. febrúar 2022.
- Breytingar á reglug. nr. 38/2022 (reglug. nr. 154/2022) þar sem að einangrun einkennalítilla/-lausra Covid smitaðra var stytta úr 7 dögum í 5 daga, einstaklingum með yfirstaðna sýkingu, staðfesta með PCR prófi sl. 7-180 daga, voru undanþegnir sóttkví og smitgát, og vottorð á landamærum um yfirstaðna sýkingu skyldu taka gildi 7 dögum eftir greiningu í stað 14. Þessi reglugerðarbreyting tók gildi 7. febrúar 2022.

Í kjölfar afléttinganna eru sterkar vísbendingar um að smitum í samfélaginu sé að fjölga. Undanfarið hafa um 1,400 smit verið að greinast innanlands á hverjum degi en í gær (8. febrúar) greindust 2.254, þrátt fyrir að færri sýni séu nú tekin en áður. Einnig er líklegt að allmikill fjöldi smita sé ógreindur. Álag á covid göngudeild Landspítalans er áfram mikið og eru nú skoðaðir þar daglega um 25 covid sýktir einstaklingar en alls eru þar í eftirliti tæplega 10.000 manns. Innlögnum sjúklinga með eða vegna Covid-19 hefur einnig fjölgað undanfarna daga og eru innlagnir nú um 7 á dag. Flestir eru hins vegar ekki illa veikir og þurfa að dvelja 6-9 daga á spítalanum. Í dag eru 33 einstaklingar inniliggjandi með eða vegna Covid-19, þar af eru tveir á gjörgæslu. Að auki liggur einn inni á gjörgæsludeild á Sjúkrahúsinu á Akureyri.

Frá 14. janúar sl. hafa alls 36.934 greinst hérlandist með Covid-19. Þar af greindust 35.172 innanlands (95%) og 1.762 á landamærum. Á sama tíma hafa 112 (0,3%) ýmist lagst inn vegna Covid-19 eða lagst inn vegna annarra kvilla og greinst með COVID-19. Af þessum 112 lögðust 44 inn á sjúkrahús vegna Covid-19 þannig að innlagnarhlutfall vegna Covid-19 hefur verið um 0,1% af greindum smitum. Rúmlega helmingi fleiri lögðust inn með Covid-19 þannig að búast má við að um 0,3% greindra smita þurfi að leggjast inn ýmist með eða vegna Covid-19. Einungis þrír lögðust inn á gjörgæsludeild á tímabilinu. Þó að sjúklingar leggjast ekki inn á sjúkrahús vegna Covid-19 þá þurfa þeir engu að síður mikla umönnun og einangrun til að hindra frekari útbreiðslu innan sjúkrahússins. Æskilegt væri að fá mat Landspítala á því hversu mikil röskun verður á starfsemi spítalans af völdum þessara sjúklinga.

*Ef fjöldi greindra smita verður áfram 2.000-3.000 á dag má búast við að daglegur fjöldi innlagna vegna Covid-19 verði a.m.k. 2-3 en að auki muni a.m.k. 4-6 leggjast inn daglega með Covid-19. Fyrirsjáanlegt er því að álag á heilbrigðisþjónustuna og þá sérstaklega spítalakerfið, muni aukast á næstunni.*

Í minnisblaði frá sóttvarnalækni, landlækni og almannavarnadeild þ. 2. febrúar sl. um uppfært áhættumat vegna Covid-19 kom fram, að nú er helsta ógn af völdum Covid-19 faraldursins ekki lengur mikill fjöldi alvarlegra veikra einstaklinga heldur útbreidd smit í samfélaginu sem eykur fjölda smitaðra einstaklinga inni á heilbrigðisstofnunum með minni veikindi sem og miklum fjarvistum starfsfólks. Í reglubundnu eftirliti landlæknis með starfsemi heilbrigðisstofnana frá 7. febrúar 2022 kemur fram að staðan á Landspítala er áfram metin alvarleg af stjórnendum spítalans en matið má sjá í viðhengi hér að neðan. Þann 9. febrúar sl. voru auk þess 248 starfsmenn í einangrun og 300 alls í sóttkví. Ljóst er því að staðan á Landspítala er afar viðkvæm á þessari stundu og má ekkert út af bregða.

Í viðhengi hér að neðan má sjá mat á stöðu heilbrigðisstofnana og hjúkrunarheimila á þessari stundu. Almenn gildir að flestar heilbrigðisstofnanir telja mönnun „á gulu“ sem þýðir að vinnuálag er mikið en viðráðanlegt. Undantekningar eru Heilbrigðisstofnun Austurlands og hjúkrunarheimili Samtaka fyrirtækja í velferðapjónustu (SFV) sem meta mönnun

mitt á milli skilgreininga á gulu og rauðu og sumar einingar á rauðu. Þegar fjöldi smita er mikill í samfélaginu verða víða miklar fjarvistir starfsfólks sem skerða þjónustu stofnana og getur það skapað ógn við almannaheill.

Í minnisblaði sóttvarnalæknis frá 26. janúar sl. voru kynntar hugmyndir að afléttingaráætlun í þremur þriggja vikna skrefum sem myndi ljúka með afléttingu allra takmarkana um miðjan mars 2022. Í þeirri áætlun var gert gert ráð fyrir næstu afléttingum 24. febrúar n.k. en nú eru uppi hugmyndir stjórnvalda um að flýta ferlinu.

**Að mínu mati er fyrirsjáanlegt að áfram verði aukið álag á spítalakerfið vegna Covid-19 og þá einkum á Landspítala. Auknar afléttingar munu líklega auka álagið enn frekar og því þyrftu stjórnvöld að fá formlegt mat spítalans á getu sinni til að takast á við þau verkefni sem blasa við. Ég tel því að stjórnvöld standi nú frammi fyrir þremur valkostum hvað varðar afléttingu á samfélagslegum takmörkunum. Hvaða leið er vænlegust veltur á mati Landspítala á sinni getunni til að takast á við frekara álag á næstu vikum.**

## I. Óbreyttar takmarkanir fram til 24. febrúar nk. eins og upphaflega var gert ráð fyrir.

Með því að hafa takmarkanir óbreyttar myndi útbreiðsla Covid-19 ekki verða eins hröð og ef frekari afléttingar yrðu hafnar nú. Það myndi lágmarka álagið á heilbrigðiskerfið en á sama tíma veita tíma til að auka ónæmi í samfélaginu gegn Covid-19. Hins vegar er erfitt að segja hversu mikið óbreyttar takmarkanir myndi skila í fjölda smita umfram þær afléttingar sem nefndar eru hér að neðan.

## II. Aflétting takmarkana að hluta sem yrði skref í átt að fullri afléttingu.

1. Breytingar á núverandi takmörkunum taki gildi 11. febrúar nk. en þá verða liðnar tvær vikur frá því að afléttingar hófust í þessari atrennu á samfélagslegum takmörkunum. Stefnt verði að fullri afléttingu takmarkana u.þ.b. tveimur vikum síðar ef ekkert óvænt kemur upp eins og til dæmis versnandi staða innan heilbrigðisþjónustunnar.
2. Almennar fjöldatakmarkanir verði 200 manns. Börn verði ekki undanþegin. Fjöldatakmarkanir í hólfu fyrir sitjandi viðburði verði 1.000 manns. Náandarregla falli niður á sitjandi viðburðum og skylt verði að nota andlitsgrímur.
3. Almenn náandarregla verði einn metri. Börn fædd 2016 (á leikskólaaldri) og síðar verði undanþegin. Þar sem að ekki verður hægt að viðhafa náandarreglu innan- sem utandyra og eða loftræsting í rýmum ekki góð þar sé grímuskylta nema á heimilum tengdra aðila.
4. Sund-, baðstaðir og líkamsræktarstöðvar megi hafa opið fyrir 100% af hámarksafköst en allir hvattir að gæta að eins metra náandarreglu og persónubundnum sóttvörnum .
5. Íþróttæfingar barna og fullorðinna með eða án snertingar innan sem utan ÍSÍ verði heimilar. Hámarksfjöldi í hverju hólfu verði 200 manns. Sameiginleg búningaástaða verði opin. Gætt skuli að því að búningaástaða sé þrífing og snertifletir sótthreinsaðir milli hópa. Sameiginleg áhöld verði sótthreinsuð a.m.k. tvisvar á dag og þess gætt að loftræsting sé í lagi og loftað vel út nokkrum sinnum yfir daginn.

Íþrótt- og ólympíusamband Íslands setur sérsamböndum reglur um sóttvarnir og um framkvæmd æfinga og keppni í sínum greinum í samvinnu við sóttvarnalækni. Í íþróttum sem ekki tilheyra Íþrótt- og ólympíusambandi Íslands skal setja leiðbeiningar eða fylgja sömu leiðbeiningum og sambærilegar íþróttir innan sambandsins.

Íþróttakeppni barna og fullorðinna verði heimilar með 1.000 áhorfendum í hólfu. Náandarregla falli niður fyrir sitjandi gesti. Áhorfendum verði skylt að nota grímur

Engar takmarkanir verði á hámarksfjölda á skíðasvæðum.

## 6. Sviðslistir og kórastarf:

- a. Æfingar og sýningar með snertingu verði leyfðar fyrir allt að 200 starfsmenn á sviði. Grímur verði notaðar þegar því verður við komið nema þegar listflutningur fer fram. Leitast verði við að viðhafa eins metra náandarreglu. Gætt verði að handhreinsun og sótthreinsun sameiginlegs búnaðar a.m.k. tvisvar á dag og passað að loftræsting sé í lagi.
- b. Heimilt verði að taka á móti allt að 1.000 sitjandi gestum í hverju hólfu. Eins metra náandarregla falli niður fyrir sitjandi gesti en þeim gert skylt að nota grímu á leið inn og út af viðburði og á meðan honum stendur.

- c. Ekki verði heimilt að auka fjölda í hólfi á skipulögðum viðburðum með notkun hraðgreiningaprófa eða PCR-prófa.
  - d. Hlé á sýningum verði leyfð án takmarkana á sölu veitinga.
  - e. Skylt verði að selja í númeruð sæti en þá er óþarfi að halda skrá yfir gesti.
7. Við athafnir trú- og lífsskoðunarfélaga verði að hámarki 1.000 gestir í hólfi. Ekki verði heimilt að auka fjölda gesta með framvísun á niðurstöðum hraðgreininga eða PCR-prófa. Eins metra nándarregla falli niður á sitjandi viðburðum en gestum skylt að nota grímu. Í erfidrykkjum gildi almennar fjöldatakmarkanir.
  8. Engar takmarkanir verði á fjölda gesta í verslunum en þar verði grímuskylda.
  9. Skemmtistaðir, krár, spilasalir og spilakassar megi hafa opið til kl. 00. Gestum verði gert að yfirgefa fyrir kl. 01:00.
  10. Veitingastaðir megi hafa opið til kl. 00 og gestir verði að hámarki 200 í rými. Heimilt verður að hleypa inn nýjum viðskiptavinum til kl. 00. Gestum verði gert að að yfirgefa fyrir kl. 01:00. Gætt skuli að eins metra nálægðarmörkum og skylt að hafa grímur nema hjá sitjandi gestum.
  11. Skólareglugerð verði felld úr gildi en um skólustarf gildi almennar reglur. Félagsstarf og skemmtanir framhaldsskóla yrðu leyfðar.
  12. Grímunotkun.  
Grímunotkun verði skylda þegar ekki er hægt að viðhafa eins metra nálægðarmörk utan- sem innandyrna nema á heimilum. Börn fædd 2016 og síðar verði undaþegin grímuskyldu. Grímunotkun hjá börnum fæddum 2006-2015 verði í samræmi við aldur og þroska. Grímuskylda verði í verslunum.
  13. Notkun hraðgreininga- eða PCR prófa til að fjölga í sóttvarnahólfum á viðburðum verði ekki leyfð.
  14. Reglur um sóttkví falli niður en allir sem útsettir eru fyrir smiti verði hvattir til að sýna smitgát sem ljúki eftir 5 daga án PCR prófs. Krafa um PCR sýni eftir smitgát falli niður.
  15. Reglur um einangrun verði óbreyttar.

### III. Aflétting allra takmarkana.

Aflétting allra takmarkana myndi án nokkurs vafa valda verulegri aukningu í fjölda smita í samfélaginu þar til að hjarðaónæmi yrði náð. Það myndi gerast á styttri tíma en ef takmörkunum yrði beitt en óvíst hversu langan tíma það myndi taka. Afleiðingin yrði þannig mikill fjöldi daglegra smita með miklu álagi á heilbrigðiskerfið og ýmsa starfsemi með ófyrirséðum afleiðingum. Ef þessi leið verður valin þá þurfa stjórnvöld að vera tilbúin til að grípa til aðgerða ef neyðarástand skapast á heilbrigðisstofnunum.

Eftirlit landlæknis með heilbrigðisstofnunum í viku 6, 2022.

Mat stjórnenda heilbrigðisstofnana og hjúkrunarheimila á stöðu mála vegna heimsfaraldurs -yfirlit viku 6 (útg. 2) 2022							
	1. Mönnun og vinnuálag (% frá vinnu vegna COVID)	2. Aðbúnaður	3. Hlíðar-búnaður	4. Rekstarvörur og lyf	5. Gæði og öryggi	6. Rauð flögg	7. Tölulegar upplýsingar
LSH - 9/2							
HH - dags. 7/2	~ 4%						
HVE - dags. 8/2	~ 3%						
Hvest - dags. 7/2	~ 3%						
Sak - dags. 7/2	6,8%						
HSA. - dags. 8/2							
HSU - dags. 7/2							
HSS - dags. 7/2	~ 4%						
HSN - dags. 7/2	2,6%						
SFV - dags. 7/2							

Annað / athugasemdir/nánari upplýsingar

<b>LSH</b>	<p>Deild A7 er að fullu nýtt fyrir COVID-19 veika sjúklinga og tekur deild A6 sömuleiðis við þeim sjúklingahópi. Margar deildir sinna sjúklingum með COVID-19, sem einnig eru innlagðir af öðrum orsökum en COVID-19 smiti. Allar deildir gera ráð fyrir að unnt sé að sinna COVID-19 smituðum á deildinni.</p> <p>Erfiðlega gengur að útskrifa sjúklinga í önnur úrræði vegna faraldurs víða í samfélaginu. Þetta veldur verulegri truflun á flæði sjúklinga og daglegum rekstri spítalans.</p> <p>Nú eru 10 skurðstofur af 18 opnar en voru 8. Unnið er að því að opna fleiri skurðstofur en ástæður þess að ekki næst að manna fleiri eru ekki beint COVID-tengdar.</p> <p>Landspítali er nú á hættustigi. Mönnun og flæði er sem fyrr helsta áskorunin. Flæði non-COVID sjúklinga er verulegt áhyggjuefni, sem og að COVID deildin (A7) er fullnýtt og hluti A6 sömuleiðis. Fjöldi sjúklinga sem á hverjum morgni bíður innlagnar frá bráðamóttöku er um 25.</p>
<b>HH</b>	Engar lokanir nema 7. feb vegna veðurs - bráðþjónustu sinnt.
<b>HVE</b>	Fjarvistir vegna einangrunar og sóttkvíar starfsmanna eru áfram viðráðanlegar en samkvæmt upplýsingum þá eru 12 starfsmenn í einangrun eða sóttkví þessa stundina.
<b>Hvest</b>	<p>Læknamönnun er léleg á norðursvæði eins og áður, að nokkru ótengt covid en þó í þessari viku m.a. vegna þess að afleysingalæknir forfallaðist með covid. Bitist er um afleysingalækna.</p> <p>Almennt gildir að litlar deildir eru viðkvæmar fyrir hópsmitum, og því eru sóttvarnir innanhúss enn frekar miklar. Þetta sést í lágum smittölum meðal starfsmanna. Meðal starfsfólks eru 2 í einangrun (1%) 4 í sóttkví (2%)</p>
<b>HSN</b>	Mönnun tæp og mikil þreyta meðal starfsfólks vegna álags. Einangrunarstaða er ekk fullnægjandi. Fjöldi starfsmanna í einangrun 8 og fjöldi starfsmanna í sóttkví 8. Fjöldi starfsmanna á HSN er 609. Eða 2,6% fjarverandi vegna Covid.

<b>Sak</b>	<p>Hluti af Kristnesi verður áfram lokað til 14. febrúar en þar eru þá 14 5 daga rými og 6 dagdeildar rými. Ætla má að um 100 aðgerðum hafi verið frestað í janúar 2022 vegna Covid-19 miðað við áætlun og hefðbundinn rekstur. skurðstofunefnd metur reglulega stöðuna og leggur til vikulegt aðgerðarþrógramm eftir aðstæðum. Allri bráðþjónustu er sinnt og einnig þjónustu sem ekki má fresta ss aðgerðum vegna krabbameins , blóðskilum og krabbameinslækningum (lyfjagjöfum). Ekki er um að ræða gangainnlagnir en þar sem allmikið er um smitandi vírussýkingar hjá börnum (ekki Covid) þá er hætt við að reyni á einangrunargetu SAK. Í dag er 1 sjúklingur inniliggjandi vegna Covid-19 er á gjörgæslu en ekki í öndunarvél.</p> <p>Starfsmenn frá vinnu vegna COVID 27 í einangrun og 20 í sóttkví. Alls 47 frá vinnu. Á SAK starfa 688 starfsmenn. Þannig eru 6.8% starfsmanna frá vinnu vegna Covid-19 og sóttkví.</p>
------------	--

<b>HSA.</b>	<p>75% starfsfólks heimahjúkrunar í Neskaupstað eru ekki í vinnu vegna Covid tengdrar fjarveru Allir skurðstofuhjúkrunarfræðingar HSA eru ekki í vinnu af sömu ástæðu sem hefur áhrif á bráðaviðbragð HSA. Flutningur starfsfólks milli starfsstöðva getur einnig verið erfiður á þessum árstíma og hefur það sett strik í reikninginn. Bráðatilfellum á skurðstofu HSA er að hluta sinnt af starfsfólki sem er í vinnusóttkví B.</p> <p>Þrír lækningar sem áttu að koma til vinnu í gærmorgun hafa ekki komist austur vegna veðurs eru væntanlegir síðar í dag.</p>
<b>HSU</b>	<p>Viðkvæma mönnun á sumum starfsstöðvum eins og t.d. í Eyjum en stöðan ekki metin með þeim hætti að ógni öryggi.</p>
<b>HSS</b>	<p>Svipuð staða á HSS. 13 starfsmenn fjarverandi v. covid. Upp kom smit á hjúkrunarheimilinu í dag. Heimilismaður. Búið að skima aðra heimilimenn og allir neikvæðir enn. 5 starfsmenn þar fjarverandi (hluti af þessum 13). Vonum það besta næstu daga.</p>

<b>SFV</b>	<p>Vekjum athygli á dauðsföllum hjá Covid smituðum íbúum á hjúkrunarheimilum síðustu 2 vikurnar. Þannig er SFV kunnugt um 9 dauðsföll hjá Covid smituðu fólki á hjúkrunarheimilum innan okkar raða síðustu 2 vikur. Unnið er með fulltrúa sóttvarnalækni að nýju kerfi gagnaskila um smit á hjúkrunarheimilum, sem vonandi kemst á á næstu dögum.</p> <p>Ýmis heimili eru að eiga við, eða hafa átt við síðustu daga og vikur, mjög stór hópsmit. Almennt er einangrun og sóttkví starfsfólks að hafa mikil áhrif á mönnun heimilanna. Við setjum hér á hana litakóðann enn appelsínugulann, og skýrist það af því að staðan er mismunandi hjá heimilunum. frá því að vera ásættanleg yfir í að vera virkilega þung og erfið.</p> <p>Höfum áhyggjur af litlum og meðalstórum hjúkrunarheimilum hringinn í kringum landið, sérlega í ljósi þess að hjúkrunarheimilin hafa ekki aðgang að bakvarðasveit heilbrigðisþjónustunnar (þrátt fyrir ítrekaðar beiðnir um það), heldur einungis bakvarðasveit velferðarþjónustunnar. Sú bakvarðasveit er þunnskipuð og hefur ekki reynst hjúkrunarheimilunum mikil hjálp. Því er komin fram tillaga um að koma á sérstakri bakvarða/viðbragðssveit sem yrði mönnuð af stóru hjúkrunarheimilunum. Slík bakvarðasveit gæti komið hjúkrunarheimilum til aðstoðar í miklu neyðaraðstæðum. Erindi um fjármögnun slíkrar bakvarðasveitar verður sent á heilbrigðisráðuneytið á morgun.</p>
------------	--

Mat stjórnenda heilbrigðisstofnana á stöðu mála vegna COVID-19 faraldurs - skilgreining á litum

<p><b>Mönnun og vinnuálag</b> Mælikvarðar: Fjöldi yfirvinnutíma. Fjöldi tíma frá bakvarðasveit</p>	<p>Vel mannað. Starfsmenn upplifa öryggi og vinna yfirvinnu þegar þess óskað. Vinnuálag við hæfi, lítil yfirvinna. Ekkert til að hafa áhyggjur af að svo stöddu.</p>	<p>Viðráðanlegur skortur á starfsfólki. Aukið vinnuálag, en ásættanlegt. Starfsmenn vinna meiri yfirvinnu en þeir kæra sig um. Tími fer í að leita að fólki í vinnu. Lítið þarf að gerast til að út af bregði. Þörf á lágmarksaðstoð frá bakvarðasveit.</p>	<p>Verulegur skortur á starfsfólki. Mikil yfirvinna, vinnuálag óásættanlegt. Gæðum og öryggi ógnað. Veldur verulegum áhyggjum. Þörf á utanaðkomandi aðstoð frá bakvarðasveit.</p>
<p><b>Aðbúnaður (s.s. rými, rúmafjöldi, einangrunaraðstaða)</b> Mælikvarðar: Fjöldi gangainnlagna. Verklagi varðandi einangrun ekki fylgt</p>	<p>Góður, Rými/húsnæði fullnægjandi. Rúmafjöldi nægilegur, einangrunaraðstaða fullnægjandi. Ekkert til að hafa áhyggjur af að svo stöddu.</p>	<p>Ásættanlegur. Ástand viðráðanlegt. Eitthvað um gangainnlagnir og brot á verklagi um einangrun. Lítið þarf að gerast til að út af bregði.</p>	<p>Óásættanlegur og ógnar gæðum og öryggi. Mikil um gangainnlagnir og brot á verklagi um einangrun. Veldur verulegum áhyggjum. Þörf á utanaðkomandi aðstoð.</p>
<p><b>Hlífðarbúnaður (s.s.hlífðarföt, hanskar, spritt)</b> Mælikvarði: Skrá yfir það sem skortir</p>	<p>Nægar birgðar. Ekkert til að hafa áhyggjur af að svo stöddu.</p>	<p>Farið að bera á skorti á búnaði en sleppur til. Lítið þarf að gerast til að út af bregði.</p>	<p>Skortur er á nauðsynjum, s.s hlífðarbúnaði, hjúkunarvörum og lyfjum. Skortur er óásættanlegur og ógnar gæðum og öryggi. Veldur verulegum áhyggjum. Þörf á utanaðkomandi aðstoð.</p>
<p><b>Mikilvægar rekstrarvörur og nauðsynleg lyf</b> Mælikvarði: Skrá yfir það sem skortir</p>	<p>Nægar birgðar. Ekkert til að hafa áhyggjur af að svo stöddu.</p>	<p>Farið að bera á skorti á búnaði en sleppur til. Lítið þarf að gerast til að út af bregði.</p>	<p>Skortur er á nauðsynlegum rekstrarvörum og lyfjum. Skortur er óásættanlegur og ógnar gæðum og öryggi. Veldur verulegum áhyggjum. Þörf á utanaðkomandi aðstoð.</p>
<p><b>Gæði og öryggi heilbrigðisþjónustu.</b> Mælikvarðar: Samantekt mælikvarða hér að ofna um mönnun og vinnuálag, aðbúnað og hlífðarbúnað. Aukning fjölda/skráðra atvika</p>	<p>Gæði og öryggi eru góð. Ekkert til að hafa áhyggjur af að svo stöddu.</p>	<p>Gæði og öryggi eru ásættanleg. Lítið þarf að gerast til að út af bregði.</p>	<p>Gæði og öryggi eru óásættanleg. Ekki er hægt að sinna bráðatíffellum. Veldur verulegum áhyggjum. Þörf á utanaðkomandi aðstoð.</p>
<p><b>Rauð flögg.</b> Mælikvarði: Sjá svarmöguleika</p>	<p>Engin rauð flögg til staðar. Ekkert til að hafa áhyggjur af að svo stöddu.</p>	<p>Gul flögg til staðar. Ástand þó óásættanlegt. Lítið þarf að gerast til að út af bregði.</p>	<p>Rauð flögg til staðar. Ástand óásættanlegt. Gæðum og öryggi er ógnað. Veldur verulegum áhyggjum. Þörf á utanaðkomandi aðstoð.</p>
<p><b>Tölulegar upplýsingar.</b> Mælikvarði: Sjá svarmöguleika</p>	<p>Tölulegar upplýsingar gefa til kynna að ástand sé í góðu lagi, ekkert til að hafa áhyggjur af að svo stöddu.</p>	<p>Tölulegar upplýsingar gefa til kynna að ástand sé ásættanlegt. Lítið þarf að gerast til að út af bregði.</p>	<p>Tölulegar upplýsingar gefa til kynna að ástand sé óásættanlegt. Gæðum og öryggi er ógnað. Veldur verulegum áhyggjum. Þörf á utanaðkomandi aðstoð.</p>